


沈乃文 主編

明別集叢刊 第五輯

第三十八冊

黃山書社





國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第五輯

第三十八冊

黃山書社



(明) 翁孺安 撰

素蘭集二卷

清抄本

素蘭集叙

中山計隆

天啟七年九月中夜漏三下不知何人磔殺翁
孺安久之賊得未定主名君子傷之謂為已甚
于時悲其死有憐其才愛其文者哀其集荒煤
斷簡人搜勺藥之篇繡戶金堂家印芙蓉之粉
而素蘭之集不能閱焉嗚呼今暉才思清華亞
左芬而難鮑照道蘊神情散朗數群從而薄王
凝或柳起成吟時因寒雪或蘭開寄札自笑春

風不無遠志而傷惟取緣情為主但曲諱風流
之旨質鼎易岑必取誇富有之藏持括畫足為
存真蹟獨攬瑤章慙裏神來重見李夫人之生
面塚中鬼出復陪吳小女之情談貽諸彤管庶
或考焉

傳

翁孺安字靜和蘇州常熟人太常之女也幼以
詩著聲長而意不自得為漚子十六篇以見志
讀者悲之卒以兵死遺詩二卷名素蘭集

簡子曰余嘗從靜和之中表遊而悉其生平其
閒居也好潔几格時芳卉蕭條寄託剪然無塵
埃時或明月在天人定街寂令女侍為胡奴裝
跨駿騎聳御之遊行踪躑不休春秋佳日扁舟
自放綠波紫蓼然樂之吳越山川蹤跡殆遍

能書楚上有晉氣能畫蘭幽疎蕭寂欲攬湘而
吊沅也始為閨房之咏風流障體舉止蘼澁微
顰嬌笑不足為其態也既效李長吉則因怪鏤
異穿天出月瑤戈讒鼎不足為其色也晚而悟
華落之必賤感霜露之不慎則寄興高遠形神
俱瘁荒煙野艸不足為其悲也雁斷雲迷不足
為其恨也嗚呼數百年來斯獨絕矣使得居長
卿明遠間倡訓答贈吾知其為傷生之徐媛清
拔之劉嫵矣乃譽起蕭牆禍同剗莽能無傷哉

能無傷哉

素蘭集卷上



翁孺安靜和

落花三十首

燭來靡定自西東閒逐游絲忙逐風細綴草頭
文穀亂暗飄書帶翠烟籠凝眸殘蕊疎簾度拂
袖餘香曲檻通勿向陽關增別淚輕塵已和燕
泥紅

昨宵記得滿枝穠忽訝今朝逐亂蜂點點斷溪
烟欲洒霏_々幽砌錦成封臨春已散當年伎玉

樹徒為別後客鶯燕不須悲去轍東風一度一
相逢

細剪紅羅與碧幢絲_々零亂扇銀缸散香有色
雲成陣如雨無聲綺映窻匪是弱枝甘蕩漾祇
因風力勉歸降若將画景相方比一幅滕王點
楚江

一自相從十八姨春山遊遍故枝移撲簾時助
嬌娥繡點硯常窺騷客詩國色尚存衣帶引清
香不改月明知蝶來北苑蜂南去誰向樓頭話

別離

別離

驪駒聲裏散芳菲
相向東風舞落暉
碎滴露華珠滿地
細裁蝶翅粉沾衣
清池酒似群魚躍
峻嶺飄同亂鳥飛
回首舊枝難再上
不由人不怨紅稀
何事繁華瞥眼虛
綠陰裏點殘書
紛紜曲渚山光亂
狼籍長林日影疎
載酒雅宜浮盞斝
開簾遮莫集衣裾
相看勿訝飄零甚
長信曾經置婕妤

分明猶是墮樓珠
鈿碎紅殘夜月孤
妖冶昔曾蒙賜餅
輕盈今尚賽當壚
香風細幽情度雲葉層嬌影鋪
莫道枝頭不如舊
滿前苔蘚盡春圖

昨日層岡今曲堤
乍看誰信舊成蹊
儘教拂掠隨鴉陣
怪道顛狂伴燕泥
蔡琰忽驚歸異域
西施空自憶耶溪
人間離合渾無定
兔去烏來到處迷
不是東君好信車
東君別自有安排
止因春去

無情緒故趁風前散
悶懷重疊似烟還
綴草清狂如蝶舞
空階但教顏色能常在
合住青樓伴繡鞵

一馮風勢自徘徊
吹墮東籬成錦堆
無語對人羞糞土
有情留別向每苔
掉頭猶望君王幸
舞袖還隨歌扇開
誰道趙家身似燕
不飛金屋委塵埃

纔向詩人又酒人
半留窻屋半鋪茵
自來姣好根荄薄
却為輕狂轉盼頻
任是穠華迎淑景也

應飄泊到殘春
青陽若得常如舊
子建何須賦洛神

忽聽回風開夕曛
起看山鳥墜紛紛
燕啣深紫歸巢亂
鶯掠輕黃入柳分
色褪祇留香作韻
枝殘賸有穀為文
豈因淑景天孫愛
故向空濛散彩雲

金粉漫天曉日曛
韶華馮爾寄殘痕
沾衣不濕風如霰
點案無聲蝶亂翻
身在紅塵心戀樹
朝依綠葉暮歸根
人生聚散雖春夢
覺到拋離更

斷魂

幾回牆畔逐飛翰分付流鶯莫報歡憶昔曉妝
爭日麗而今夜雨又春殘每遭俗客呼童掃曾
得遊人帶笑看惆悵紅顏何處去青山依舊路
漫
殘芳一夜滿空山紫燕黃鸝總不聞高下自如
風裡霧丹青欲染女中鬟問還解語心猶挂為
甚含顰頰帶殷回首早春明媚處綠楊枝上叫
綿蠻

匪愛春遊學浪仙一心常係故枝邊如奔似逐
背無奈送雨迎風盡可憐遙望陌頭悲柳絮點
殘紅葉亂雲殘離情不與春霞盡翠雁細蟬到
處天

牕前遙聽響調上重譜新詩即景描狂態不禁
山鳥亂香魂何處彩雲飄林中酒客擎杯受澗
底遊魚鼓鬣邀休然殘春紅漸瘦紅飛處倍
多嬌
萬斛珠璣映日拋不分北苑與南郊遙來卷起

千山霧近諦飛殘二月苞鬱上紫霞紛去住依
綠葉自加交歡娛永締非輕別仍舊春風到
柳梢

鳥雀喧呼日影高爭啣殘夢趁風遞滿前神女
裁輕縠到處騷人蘸綠毫恍惚畫圖迷屐齒斷
連橋澗散春濤粧樓不隔芳塵路掩映清光染
玉搔

迎風片片點牕紗映帶晴光散綵霞深院度香
隨移徑清溪留影似飛鴉遊蜂陣斷忘歸路野

馬絲殘不憶家休學香山悲嫁伎從來春水浪

淘沙

在樹夢在地多燕支分碎惜春過驚來蝶陣
齊翻翅散去蜂屯各認窠點入硯池興紫霧飄
殘羅綺艷嬌娥芳郊正值清明候畫裏依稀雨
一叢

不閑醉酒也顛狂飛過長廊又短廊點水恍如
魚吐沫沾衣疑似露為霜殘姿細春風亂逐
影紛紛底事忙想像畫圖看紙落譜成佳句綴

青陽

檐前小鳥啄風箏一封殷紅葉底鳴丹、墜來
依石磴蓬、吹起逐鷓鴣隨烟蕩漾千山暗向
日披紛五色明比似漢宮歌舞妓晚粧零亂步
搖輕
恰如燕水戲蜻蛚條忽長汀又短汀迷路羣煙
霏亂草斷溪紅雨落殘星吹過柳陌穿珠箔飛
入妝臺映画屏自惜娥眉終老大何須垂首怨
凋零

試問春光去未曾只看牆外鳥飛騰鶯梭燕剪
翻晴色紫霧紅塵散綵繒日影一移心似裂風
鳶若引體難勝昨宵月下登樓望彷彿揚州萬
封燈

雨中飄墮霧中浮曉日瞳日上翠樓入夢恍疑
周是蝶携樽還覺蟻成丘時隨游屐迷香徑每
逐春波出御溝點綴春光明繡榻羅襦風影响
簾鉤

繁如雲散上林嬌然弱態正堪尋馮將司馬

琴中意引出文君月下心飄漾不關愁廢業輕
柔專為逐知音午香斷續疏簾遠紅蕖春泥繡
閣深

將盡春光三月三香雲破碎散晴嵐一枝殘影
還依北幾片清芬已逐南淡抹丹青渾欲隱亂
飛蜂蝶却如愁相逢莫說嬌年事說到嬌年也
自慙

弱質翻到處沾淺黃深紫襖未綬飛過綺戶
如翻錦吹上長空似撒鹽凝袖忽驚香馥都停

眸渾是影廉纖纖只同吳二猖狂久幾度呼童掃
愈添

誰教天女剪羅衫遺得殘機被鳳啣染就五章
成異彩幻同六出逐飛颿疑星徹映千江月如
霧輕籠萬仞巖此日梁園圖畫裏亂紅點點燕
呢喃

天不雨

鵬飛一聲食龍子紅輪驚破火千里天河不波
雷不鳴水母晝哭巫支死赤帝騎虬南方來祝

融笑舞秦宮災

日不破

雲容欲墜天欲蒸陌頭草色凝如水濕蟲破穴
石根煖青樓香氣緘花藤泉盧叫斷惜春曲一
幅湘裙醉紅玉西牕懽笑東郊愁麥苗風裏罵
班鳩

神絃曲

小巫喃々大巫謳鼓聲琴々簫聲幽旨酒在樽
月在空紅綃影裏蕪春風古塚老孤鶩金面仙
人騎虎蛇女喚壚中香篆蟋蟀鳴海雲吹動吼
長鯨花龍盤々滿堂醉牡丹含笑芙蓉睡

禪林十韻

淨域依南麓幽樓洵可憐石泉遙度月野樹亂
分煙梵出龍宮上鐙懸鷲嶺前因緣諸妙偈樓
觀再生天涇水侵香案慈雲應講筵山從飛錫
定鉢自度松傳古碣深蘿護貧僧老衲穿飯分
香積供經誦法華篇支遁情原切陶潛興未偏
津梁方困汝吾自愛逃禪

弔湘

江雨黃鸝吼驚殘帝女暝楚山青艸夜湘水白
雲天鬼哭汭溪樹猿啼隔岸煙惡風霜骨墜老
月石根穿竹冷花蟲血琴瑟別鶴絃至今千載
淚猶自泣嬋娟

丙寅春二首

黃墟陟岵痛方春不念枯魚只見金燃豆相煎
千古恨白華三復更傷心

避鐫埋名柳市東不堪重過秦離宮願為聶政

先死歸喻徒慚屈氏風

秋夜月

清秋涼露滴昏鴉倦倚闌干浥露華葉落盈堦
誰帶帶月明照醒海棠花

送人之京

征帆高挂恨難畱此際離懷逐水悠試看江亭
日欲暮亂煙孤月送行舟

懷人

因君長淚未曾消念子遊魂不可招西馬未歸

人已謝延陵有劍為誰橋

丙寅除夕各天送贈志感

送臘驚心甘載零牛衣尚共惜錢更不堪自負
呼韓姑不料違心愧管寧添算喜看堂上鬢華
裾痛拂穉兒情那能設酒將文祭今夕明年瑞
帝京

花朝

雨霽春山曉色清花朝煙景黯城闌行看燕子
來東海漸次晴波蘸綠蘋書帶翠苔催午夢卯

檐紅日喚幽人已惶芳草堪偕隱好覓桃源學
避秦

九除日

八一時光只剎那明生魄死泊如梭纔看臘雪
侵楓樹又報春山覆女蘿錯認陳搏真好睡始
知舒雅托狂歌悟來事皆虛幻說甚仙家見
爛柯

扁舟載西子

依稀金粉些蘿春明月清波吳越塵晝裏雨簑

新國夢望中煙樹故鄉身回頭解組成還敗轉
眼傾城假也真兩浙五湖均率土孰令驚餌殍
勞薪

北風行

刺々北風吼地來千巖萬壑古木生愁哀聲蕭
々今鳥飛絕時有野鬼哭蒿萊青霞洞口滅沒
不可入我欲乘風飛上虬龍臺君不見軒黃鑄
鼎玄關啟又不見乾竺拈花海藏開而今鶻嶺
龍湖處粟々黃雲覆綠苔何況人生類朝槿千

古英雄安在哉不如浩歌一曲振林麓半穿不
穿東郭鞋安分窩中尋自樂金貂玉勒俱塵埃
海鷗客我狎牛馬任人猜何怨何思何毀譽冰
心如洗無愁懷鷄犬桑麻身外債贏得餘閒覓
酒杯

讀書臺懷古

層臺俯瞰四圍平野樹蒼茫落海城入眼雲山
空寄恨驚心鴻雁為誰鳴鑒裁自君千古文華
還輸我半生獨有淒風吟不盡依稀當日讀書

聲

塞下曲

榆林關頭陣雲高
龍沙塞下 爭逐相呼獵馬
休南牧莫犯嫖姚染血刀

楊柳枝

妝閣含愁飲翠幃
殷勤囑付雁南飛
勸郎莫上臨邛道
賦得長門早拂衣

漁樵耕牧四絕句

風迴沙渚蓼花香
小艇斜橫醉夕陽
忽見鷺鷥鳴

驚逸散蒼茫煙水動鳴榔

半肩明月晚何來
隔嶺煙蘿採不開
轉入山坳

青嶂望那堪荒蘚暮雲哀

隴頭雨過半犁新
就餉還看籽未勻
試問誰家

先薦歲可憐不是力田人

行過前村酒旆稀
鷓鴣倩雨上蓑衣
何緣野犢

歸來瘦郊北郊南草未肥

獨坐

獨坐閒閑寂松風
牕外磻人情傳白藥
客病苦

黃金或以耽詩久
原非殢酒深
最憐秋雁去一紙尚浮沉

山行遇雪

山行逢臘月積雪少
人家凍結全低樹
聽聽莫辨花路迷
遲宿馬谷響起寒鴉寂寞魂應斷梁園興轉賒

泛湖

覓舟從極浦乘興自西東
擊楫湖波壯乘風天氣空
櫓聲青嶂外鷗影白蘋中
日落浮煙淨悠

然一釣翁

登閣

紺宇臨無地凭欄亦快哉
面迎三島潤門對五峯迴
積翠依平野浮光接上台
星文看不盡恍惚泛槎來

次新秋韻

商飈蕭瑟動蘭秋月帳風
惟暑氣收綺閣長悲聊自賦
曲房清思為誰謳
蒹葭露白將流火宮禁風微未獻裘
衰草寒煙搔首望髣髴堪鐫不

勝愁

九日

是處鐘聲起暮鴻西風蕭瑟女牆東嬌英著雨
香逾潔墜葉經霜冷漸紅荒徑總宜騷客興新
醅偏稱酒家風年來珍重登高日莫遣浮生嘆
轉蓬

咏桃花有感

雨燃紅陣逐春殘玉嶺青花何處看望斷離陽
無限恨尤悲和雪醺兒難

海棠

春睡方酣醉欲潮芳芬時向御園飄自憐受得
梅花聘燕雨迎風深淺嬌

薔薇

交連花屋斷腸英飛散繁香蜀錦明想殺當年
錢買笑金裝瑟上淚盈上

葵花

脩翹丹_上露方溥松下清齋高士餐衛足不如
應讓智芳心傾向太陽丹

寄遠

綠水倚芳檻蕙蘭香在漪美人隔湘水去去江
之湄繡戶常相憶陽臺未有期招魂靡可極鏡
塵知爲誰視彼雙飛鳥鴛來頻故枝何如薄命
妾年_上傷別離幽境尋芳艸王孫知不知西風
吹雁去說向薄情兒

送人之汝陽

之子汝陽去春明驛路遲囊空惟短鋏客久見
新詩暫作風前別還爲日後期黃河千里曲無

處不相思

素蘭集卷下

秋閨吟

翁孺安靜和



煙雨霏々悲日暮風颺江帆江上度望江樓前
雲不飛望江樓外天涯路天涯路渺茫別恨與
之長可憐碁枰千家晚一帶斜鴉背夕陽江流
不斷溪聲咽行役年々無聞歌龍鬚席捲竹牀
閒月冷流黃愁思徹清夜月明如有情似伴深
閨岑寂人竭涎空院靜曆落曉星明盈々絕塞

不可望孤雁翩々憶非征鴻分雁分香莫知蘆
花蓼花與子期眼前清波落化作鴛鴦飛去不
在君旁誰補舊時裳歸來整歡笑捷書奏明光
飲月氏繁呼韓沙磧風高鐵馬寒何如相對蓬
牕下楓葉飄紅好共看

夏日閒居十韵

小徑耽幽寂躊躇竟若何閉門朝靄入伏枕夏
雲過嬾去真成癖愁來獨抱疴漫懷吟白雪有
意覓青蛾古帙分銀燭浮籤散玉珂碧山餘氣

色玄州動星河笑傲忘時月烟霞剩薜蘿交情
雲黯淡世態路嵯峨礼法非因我聲名豈惜他
閒中無俗事怪得爾長歌

梅花三十首

幻出清姿自化工暗牕餘馥度春風新詩譜得
羅浮夢携取仙姝到月宮
影倒霜潭驚鰲鰐寒枝欲卧白雲封江南春信
年々早先抹湘山六七峯
憑將寒玉對寒牕欲寄相思隔楚江臘有東風

吹曉夢清光一夜照銀缸
影落空庭照玉色清人肌骨月明時樽前傳得
東君信須折南樓第一枝
相對孤山雪滿扉清芬片々撲人衣誰將蘭麝
燃寒火暗把金爐灰影飛
掩映疎櫺日影虛寒侵衣帶稱幽居鉛華洗盡
癯仙老一枕蒲團數卷書
不施丹粉不施朱抹教平康賣酒胡靜日江城
傳雅弄滿中香霧白雲孤

古幹崢嶸卧雪蹊羞將顏色染春泥清心沁入
詩腸冷博得開牕一品題

一樹仙葩清入懷不同凡卉蘼煙霧由來傲骨
甘寒苦獨愛青蓮供冷齋

數點清香帶雪開偏宜深院及高臺輕風喚醒
幽人夢應自仙壇步月來

骨幹高疑色態真閒中獨自出風塵朝來送得
青陽信傳遍園林萬樹春

幽情絕似古徵君獨倚牕疎點白雲羞殺繁華

人世態祇餘紅葉落紛紛

風高凍雀樹頭喧訝得檐前落短軒閒翫前蹊
橋外望新春香雪滿郊原

玉比精神雪比寒芬芳還似劍川蘭移來書屋
堪清賞一種仙姿正可餐

遙憶庾嶺萬重山嶺上群仙自往還明日春風
消息近紫姑先報破霜顏

上林春色獨君先好伴雲香對水仙任是采蘋
無意緒不令清夢不團圓

只合臨牕淺淡描指頭生氣倩誰邀相逢莫恨
清宵冷紅燭和君影共控

竭來青帝到東郊敲碎冰花綴樹梢遮莫詩人
相對晤清光隨月照衡茅

書冷瑤編月正高枝頭清露白於旄橫斜瘦影
如龍卧只待風雷送怒濤

霏霏玉屑點霜柯透竹穿籬籠雪窩獨有幽牕
小院裡只爭清貴不多多

亂枝如鐵半欹斜舊植深山處士家每到新年

香馥一床書影映牕紗

任隨庵院與山莊處處春風度遠香瀟灑半枝
牆外出暗飛玉屑敲詩腸

飄來玉蕊雪花輕粧點寒光氣味清日靜小門
無剝啄空增癯影亂縱橫

點綴殘枝雪一庭餘香時覺透虛櫺簷頭花影
簾前月映微冰壺冷画屏

寒香片片點層冰清似神仙孤似僧祇為苦吟
無伴侶移來牕外作良朋

江南消息孰先偷數點依稀映小樓豈似龍頭
當此際嚴寒如結百花愁

雪襯殘枝寒氣侵對來幽韻正堪尋誰將淡
無人筆寫出閒牕一段心

多君清韻似優曇堪譜新詩入課庵夜靜月明
山骨冷一天霜影落寒潭

虛庭明月浸疎簾夜氣清霜滿檐為愛玉仙
無俗韻一枝折得伴牙籤

祇宜獨立對松杉太素手姿迥出凡待得枝頭

實後清風依舊滿商巖

春夏秋冬各一絕句

雁燕雲中話別離東風吹入繡羅幃池塘嫩綠

魚爭餌高樹垂黃鳥亂棲

荷香何處靜中生海氣微收雨乍晴正是北牕

高臥日鳴蟬休得浪相驚

百艸俱憐老岸旁遊蜂未許戲花房天公亦憫

金風冽故遣蛩聲訴織忙

冷落江天雲霧收金爐銀燭望中看月明雪積

霜華白對此開尊可辟寒

湘江曲

娥皇女英帝之子瑟聲至今怨湘水素靈夜號
神母哭蠻霧濛雪如屋秋風一曲落鴻驚菱
花纖就鴛鴦文鴛鴦文千尺紅綃蘸綠雲

招魂

白雲無聲山魃啼桃花落地老鷹饑蘇臺古冢
夜淒淒霜根石眼哭莎雞死字猶傳夢裡人彭
祖巫咸依舊春海波不涸天不遠杜鵑枝上魂

當返

秋夜

掩戶空淒清秋深在林莽起視河漢間玄鶴翔
其上輕颼傳素絃孤月度疎幌葉落古堦平露
下幽庭敞所懷已在茲引觴成獨賞

織月

纖月照空庭及我羅幃中秋聲忽慢過令人心
復忡卿卿檻外竹唧唧艸頭蟲寒碁逼孤影落
葉凌西風更深聽清露點滴在疎桐